



Inatsisartuni ilaasortaq Anthon Frederiksen, Parti Naleraq  
-/ Maani

**Aalisarnermut piniarnermillu nakkutilliisut pisinnaatitaaffii pillugit § 37 apeqqutininut nr. 036-imut akissut**

Brevdato: 15-02-2016  
Sags nr. 2016 - 2737  
Dok. nr. 2148284

Asasara Anthon Frederiksen,

P. O. Box 1037  
3900 Nuuk

Tel. (+299) 34 50 00

Fax (+299) 34 63 50

E-mail: oed@nanoq.gl

www.naalakkersuisut.gl

Apeqquternut qujanaq, imatullu akissuteqarfiginarpakka.

**1. Naalakkersuisut qanoq isumaqarpat piniarnermik aalisarnermillu nakkutilliisut sulinerminni pisussaaffiinut pisinnaatitaaffinullu tunngatillugu inatsisit allanngortinneqassapata?**

Piniarnermik aalisarnermillu nakkutilliisut suliassat pisinnaatitaaffiilu pillugit malittarisassiuunneqarput nalunaarummi nr. 28-mi 30. Oktober 1998-imeersumi, aamma Kalaallit Nunaanni Aalisarsinnaanermik Akuersissutinik Nakkutilliiviup (KANUAANA ´p) aqutsinikkut akisussaaffik tigummivaa. Piniarnermik aalisarnermillu nakkutilliisut piniarnermik kiisalu sinerissamut qanittumi aalisarnermik nakkutilliinermik ingerlatsisarput allanullu suliassanut aalisarneq uumasunillu piniagassat eqqarsaatigalugit, tassani paasissutissiinermik ilitsersuinermillu ingerlataqartarlutik.

KANUAANA ´p nakkutilliinermi suliassat naammassineqartut ingerlaavartumik nalilersortarpei, tassunga ilanngullugit piniarnermik aalisarnermillu nakkutilliinerup aqqissugaanera, isumalluutit atorneqarsinnaasut pitsaanerpaamik tulleriiarneqarnissaat anguniarlugu. Tamatumunnga atatillugu piniarnermik aalisarnermillu nakkutilliisut sulineranni pitsaasumik atugassaqartinnissaata qulakkeerneqarnissaat pingaaruteqarluinnarpoq. Nalilersuinermut aamma ilanngunneqartarpoq nakkutilliinermut nalunaarummi pisinnaatitaaffiit qanoq iluarsanneqassanersut.

**2. Piniarnermik aalisarnermillu nakkutilliisut qanoq suliatik nalunaarutigisarpaat?**

Piniarnermik aalisarnermillu nakkutilliisut sulinermut atatillugu angalanerit naammassineri tamaasa KANUAANA-mut nalunaarutigisarpaat. Nakkutilliinerup nalunaarutigineqarneranut ilaatigut ilanngunneqartarput nakkutilliineq qanoq ittoq ingerlanneqarnerisum sumiiffiillu angalaffigisimasanut kiisalu inatsisinik unioqquutitsisoqaratarsinnaaneraniq ilimaginninnermut tunngasut.

Ilanngullugu paasissutissiissutigineqarsinnaavoq KANUAANA maannakkut qarasaasiakkut nutaamik aqqissuusseqqimmat, naatsorsuutigineqarluni aalisarnermut piniarnermillu nakkutilliisut nalunaaruteqartarnerat pisariillisaavigineqassasoq kiisalu paasissutissat nalunaarutigineqartartut qarasaasiakkut sakkunut pioreersunut misissueqqissaarnermut pilersaarusiormullu annertunerusumik atorneqarsinnaalissasut.

**3. Piniarneq aalisarnerlu pillugit inatsisinik unioqqutitsinerit nalunaarutigineqartarpat?**

Unioqqutitsisoqaratarsinnaanermik ilimatsaassinerit eqqartuussivimmut suliassanngortinnissaannut uppersaatinik naammattunik naliliisoqartillugu, KANUAANA suleqatigalugu politiinut unnerluutigineqartarput.

**a. Aalisarnek pillugu inatsisit qanoq amerlatigisunik unioqqutinneqarpat?**

2015-imi aalisarnek pillugu inatsisinik unioqqutitsisoqaratarsinnaaneranik ilimatsaassat marluk politiinut unnerluutigineqarput.

**b. Piniarneq pillugu inatsisit qanoq amerlatigisunik unioqqutinneqarpat?**

2015-imi piniarneq pillugu inatsisit unioqqutitsisoqaratarsinnaanermik ilimatsaassat 16-it politiinut unnerluutigineqarput.

**c. Unioqqutitsinerimi suliassat qanoq amerlatigisut sularineqarpat suliallu sumut killippat?**

Aalisarnermik piniarnermillu nakkutilliisunit KANUAANA suleqatigalugu katillugit suliassat 18-it sularineqarput politiinullu unnerluutigineqarlutik. Suliassat ingerlateqqinneri tassani eqqartuussivimmut suliassanngortinneqarnissaanik nalilersuinerit politiit unnerluussisussaataasullu suliannut atapput.

**d. Suliassat qulaani pineqartunut atatillugu suut kingunerivai?**

Unioqqutitsinerit politiinut unnerluutigineqartut eqqartuussisutigineripata akiliisitsinerimik arsaarinninnermillu kinguneqarsinnaapput. Unioqqutitsinerup sakkortussusaanut pisisallu nalinginut pineqaatissiineq naleqqussarneqassaaq, taamaattumillu sakkortussusaa allannorarsinnaalluni.

Inussiarnersumik inuulluaqqusillunga  
Med venlig hilsen

Randi V. Evaldsen